

## Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 31.01.2018թ. թիվ 1807541852 որոշումն անփոփոխ, իսկ վարչական բողոքն առանց բավարարման թողնելու մասին

<<29>>03 2018թ. 174-23644-18/174-4772

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Գևորգ Շամոյանի դիմումի քննարկման արդյունքում ստեղծված նյութերը՝

### Պ Ա Ր Զ Ե Ց Ի

Լոռու մարզի Վանաձոր քաղաքի Չերնիշեվսկու նրբանցքի 15-րդ տան բնակիչ Գևորգ Շամոյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 31.01.2018թ. թիվ 1807541852 որոշումը՝ նշելով, որ չի խոչընդոտել երթևեկությանը:

Դիմումի քննարկման արդյունքում պարզվել է, որ դիմումատուի փաստարկը վարչական ակտերը անվավեր ճանաչելու հիմք չեն կարող հանդիսանալ, քանի որ իրավախախտումներն ամրագրած տեսանյութերի և տեղանքի լրացուցիչ ուսումնասիրությունից պարզվել է, որ դիմումատուին պատկանող տրանսպորտային միջոցի տեղակայման վայրում առկա է **1.4 դեղին հոծ գիծ գծանշում**, իսկ Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին ՀՀ կառավարության 28.06.2007թ-ի թիվ 955-Ն որոշման համաձայն՝ **1.4 դեղին հոծ գիծ գծանշումը ցույց է տալիս այն տեղերը, որտեղ կանգառը և կայանումն արգելված են:**

Բացի այդ նույն որոշման 84-րդ կետի 6-րդ ենթակետի համաձայն **կանգառն արգելվում է խաչմերուկում:**

Այսպիսով, ակնհայտ է դիմումատուի կողմից ճանապարհային երթևեկության կանոնների խախտում թույլ տալու փաստը, ինչի համար Վարչական իրավախախտումների վերաբերյալ ՀՀ օրենսգրքով սահմանված է վարչական պատասխանատվություն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

### Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 31.01.2018թ. թիվ 1807541852 որոշումները թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Գևորգ Շամոյանին և ՃՈ ՏՄՀԽԱ կենտրոն:



Ե.Կարապետյան